

信陽州志卷之四



典禮志

先王六官分職宗伯則掌邦禮第歷代典章不無詳畧之異我

國朝世際承平文明大啓崇德報功享祀必周明倫重士科條畢備屬在郡縣罔弗奉行惟謹焉志典禮

慶賀

萬壽聖節及冬至元旦等令節

前一日於公所安設

信陽州志

卷之四

典禮志

一

慶賀

龍亭至日五鼓文武各官衣朝衣齊赴立丹墀下文東

武西禮生四名贊引至各拜位贊序班行三跪九

叩頭禮畢各退恭遇

皇太后萬壽聖節

皇后千秋令節儀節俱同

接詔

凡

詔書經過及止宿文武各官具鼓樂出城迎接跪于道

右候

詔書過方起隨至郵亭設香案供奉

朝使立于案東禮生贊行三跪九叩頭禮易服與朝使行禮

詔書不進郵亭不行禮至臨行仍具鼓樂出城在道右跪送

鐸教

凡朔日長官率僚屬暨鄉約木鐸老人司約人等至講約所設香案禮生唱序班行三跪九叩頭禮興退班齊至講所軍民人等環列肅聽禮生唱恭

信陽州志

卷之四

典禮志

二

慶賀

請開講司講生詣香案前跪恭捧

上諭登臺木鐸老人跪宣讀畢禮生唱請宣講

上諭司講生按次講畢退望日儀同

迎春

每歲預期塑造春牛並芒神立春前一日各官吉服迎于東郊祭勾芒神至本日常朝服祭勾芒神訖各執綵仗正官擊鼓三聲環鞭土牛者三

耕藉

每歲仲春亥日巳時祭

先農壇午時行耕藉禮

祭品

帛一色白

羊一

豕一

鉶一

籩四

豆四

簠二

簋二

爵三

祭日各官衣朝衣禮生引承祭官至拜位贊唱執事者各司其事陪祭官各就位承祭官就位贊唱瘞毛血禮生引詣盥洗所贊盥洗淨巾引詣香案前贊迎神行二跪六叩頭禮興行初獻禮引詣

信陽州志

卷之四

典禮志

三

鐸教

神位前跪奠帛獻爵叩頭興詣讀祝位跪衆官皆跪宣祝文畢叩頭興引唱復位贊唱行亞獻禮引詣神位前跪獻爵叩頭興復位贊唱行三獻禮如亞獻儀贊唱飲福受胙引詣飲福受胙位跪飲福酒受福胙叩頭謝胙興復位贊唱徹饌送神行二跪六叩頭禮興贊唱司祝者捧祝司帛者捧帛各詣燎所贊唱詣望燎位焚畢揖位贊唱禮畢各官更鱗衣詣藉田行耕藉禮正印官秉耒佐貳執青箱播種各官俱用右手扶犁左手執鞭各行九推禮

農夫終畝耕畢各回官廳更朝衣望

闕恭行三跪九叩頭禮

耕藉器物

農具一色赤

牛一色黑

籽種箱一色青

文廟

漢高帝過魯以太牢祀孔子詔諸侯王卿相至郡
先廟謁而後從政邱夏山曰此祀孔子之始亦官
員至任謁廟之始隋文帝初詔國子寺每歲以四
仲月上下釋奠先聖先師州縣學以春秋仲月唐

信陽州志

卷之四

典禮志

四

文廟

太宗詔州縣皆立孔子廟宋太祖幸國子監詔祭
文宣王用一品禮立十六戟于廟門因曰戟門明
洪武初年詔正諸神封號惟孔子封爵仍舊每年
春秋丁祭十五年始詔天下儒學通祀孔子頒釋
奠禮二十六年頒大成樂器於天下府州縣

國朝康熙二十五年

御製

至聖先師孔子贊并序暨四配贊

頒行天下府州縣儒學勒石于櫺星門外

御製

至聖先師孔子贊

并序

蓋自三才建而天地不居其功一中傳而聖人代
宣其蘊有行道之聖得位以綏猷有明道之聖立
言以垂憲此正學所以常明人心所以不泯也粵
稽往緒仰遡前徽堯舜禹湯文武達而在上兼君
師之寄行道之聖人也孔子不得位窮而在下秉
刪述之權明道之聖人也行道者勲業炳於一朝
明道者教思周於百世堯舜文武之後不有孔子

信陽州志

卷之四

典禮志

五

文廟

則學術紛淆仁義湮塞斯道之失傳也久矣後之
人而欲探二帝三王之心法以爲治國平天下之
準其奚所取衷焉然則孔子之爲萬古一人也審
矣朕巡省東國謁祀闕里景企滋深敬摛筆而爲
之贊曰 清濁有氣剛柔有質聖人參之人極以
立行著習察舍道莫由惟皇建極惟后綏猷作君
作師垂統萬古曰惟堯舜禹湯文武五百餘歲至
聖挺生聲金振玉集厥大成序書刪詩定禮正樂
旣窮象繫亦嚴筆削上紹往緒下示來型道不終

廢秩然大經百家紛紜殊途異趨日月無踰葵慧
可晤孔子之道惟中與庸此心此理千聖所同孔
子之德仁義中正秉彝之好根本天性庶幾夙夜
勗哉令圖遡源洙泗景躅唐虞載歷庭除式觀禮
器摘毫仰贊心焉遐企百世而上以聖爲歸百世
而下以聖爲師非師夫子惟師於道統天御世惟
道爲寶泰山巖巖東海泱泱墻高萬仞夫子之堂
孰窺其藩孰窺其徑道不遠人克念作聖

御製顏子贊

信陽州志

卷之四

典禮志

六

文廟

聖道早聞天資獨粹約禮博文不遷不貳一善服
膺萬德來萃能化而齊其樂一致禮樂四代治法
兼備用行舍藏王佐之器

御製曾子贊

洙泗之傳曾以得之一貫曰唯聖學在茲明德新
民止善爲期格致誠正均平以推至德要道百行
所基纂承統緒修明訓辭

御製子思子贊

於穆天命道之大原靜養動察庸德庸言以育萬

物以贊乾坤九經三重大法是存篤恭慎獨成德之門卷之藏密擴之無垠

御製孟子贊

哲人既萎楊墨昌熾子輿闢之曰仁曰義性善獨聞知言養氣道稱堯舜學屏功利煌煌七篇並垂六藝孔學攸傳禹功作配

御定至聖先師之稱

順治十四年

御書萬世師表額

康熙二十三年

御書生民未有額

雍正三年

信陽州志

卷之四

典禮志

七

文廟

御書與天地參額

乾隆三年

每歲春秋上丁日致祭正殿

至聖先師孔子神位

祭品

帛一 白色

牛一

羊一

豕一

登一 大羹

鉶二 和羹

簋二

黍飯

籩二

稻飯

籩十

榛一 菱一 芡一 鹿脯一 形鹽一
稟魚一 棗一 栗一 白餅一 黑餅一

豆十

韭菹一 芹菹一 菁菹一 笋菹一 醢醢一
鹿醢一 兔醢一 魚醢一 豚胎一 脾析一

酒樽一

白磁爵三

一凡

先師位獻爵三羹次之大羹居中和羹居其左右黍稷
次之黍左稷右稻粱次之稻左粱右籩之實居左
形鹽棗魚棗栗一行榛菱芡鹿脯一行白餅黑餅
一行豆之實居右韭菹醢醢菁菹鹿醢一行芹菹
兔醢笋菹魚醢一行脾析豚胎一行香燭在其前
幣奠于筐在香燭之前太牢又在其前牛居中羊
左豕右牛解五體羊豕全體大香爐又在其前左
右大燭讀祝案又在燭之左 以上通志

信陽州志

卷之四

典禮志

八

文廟

四配

復聖顏子

名回字子淵魯人黃帝之後

宗聖曾子

名參字子輿魯南武城人鄩國之後

述聖子思子

名伋孔子之孫伯魚之子

亞聖孟子

名軻字子輿一字子車魯公族孟孫之後

祭品

帛四

白色

豕一

羊一

釧一

和羹

簋二

黍飯

簋二

稻飯

籩八

榛一

菱一

芡一

稷飯 棗一

稟魚一

豆八 韭菹一 菁菹一 笋菹一 醢醢一
鹿醢一 兔醢一 魚醢一 芹菹一

酒罇一 白磁爵三

十二哲東六位

閔子損 字子騫魯人其先魯公族

冉子雍 字仲弓魯人

端木子賜 字子貢衛人

仲子由 字子路一字季路魯之卞人

卜子商 字子夏衛人

有子若 字子有一字子若魯人乾隆三年升祀

信陽州志

卷之四

典禮志

九

文廟

祭品六案

帛一 白色 豕一 鉶各一 和羹

簋各一 黍飯 籩各一 稷飯 簠各一 稻飯 梁飯

籩各四 各棗一 各栗一 籩各四 各鹿脯一 各形鹽一

豆各四 各菁菹一 各芹菹一 各鹿醢一 各兔醢一

豕首一 白磁爵三

十二哲西六位

冉子耕 字伯牛魯之鄆人仲弓之族

宰子子 字子我魯人

冉子求 字子有仲弓之族

言子偃 字子游吳人

顏孫子師 字子張陳人

朱子熹 字元晦一字仲晦徽之婺源人康熙五十二年升祀

祭品與東六位同

東廡先賢

蘧子瑗

字伯玉衛大夫嘉靖九年改祀于鄉雍正二年復祀

澹臺子滅明

字子羽魯武城人

原子憲 一日仲憲字子思魯人一日宋人

信陽州志

卷之四

典禮志

十

文廟

南宮子縉

一名適又名說字子容孟僖子之子孟懿子之兄居南宮因姓

商子瞿

字子木魯人

漆雕子開

字子若蔡人一云魯人

司馬子耕

家語名犁字子牛本宋桓氏

巫馬子施

字子期陳人史記曰魯人

顏子辛

字子柳魯人史記作顏幸

曹子邴

字子循蔡人

公孫子龍

字子石楚人

秦子商

字丕茲魯人史記字子丕鄭康成曰楚人

顏子高 家語作顏刻字子驕

壤駟子赤 字子徒家語作穰徒作從秦人

石子作蜀 字子明家語石子蜀成紀人

公夏子首 字乘家語公夏守字子乘一字子元魯人

后子處 字子里家語石處字堅之齊人

奚容子葢 字子哲家語奚葢字子偕魯人

顏子祖 字襄家語顏相字子襄魯人

句子井疆 字子疆一字子野家語句作勾衛人

秦子祖 字子南家語字子白秦人

信陽州志

卷之四

典禮志

士

文廟

縣子成 字子祺家語子橫魯人

公祖子句茲 字子之家語無句字魯人

燕子伋 字思家語作伋字子思秦人

樂子欬 家語樂欣字子聲魯人

狄子黑 字哲家語字哲之一字子哲衛人

子蔑子 家語作弗魯人子蔑其字夫子兄孟皮之

公西子葢 字子上家語作子尚魯人

顏子之僕 字叔家語字子叔魯人

施子之常 字子恒魯人

申子棖 字子周魯人

左子丘明 中都人楚史倚相之後或曰魯人

秦子冉 字開志云蔡人嘉靖時罷祀雍正二年復祀

牧子皮 曩失祀雍正二年以見于孟子因增祀先賢

公都子 孟子弟子從祀孟廟雍正二年升祀孔廟

公孫子丑 齊人從祀孟廟雍正二年升祀孔廟

張子載 字子厚世大梁人父迪仕涪州卒于官僑寓鳳翔郿縣橫渠鎮

程子頤 字正叔明道先生之弟

東廡先儒

信陽州志

卷之四 典禮志

三

文廟

公羊氏高 齊人受經於卜子夏

孔氏安國 字子國魯人孔子十一世孫

毛氏萇 字默一字長公趙人

高堂氏生 字伯漢魯人

鄭氏玄 字康成北海高密人嘉靖時改祀于鄉雍正二年復祀

諸葛氏亮 字孔明瑯琊陽都人雍正二年從祀

王氏通 字仲淹其先太原祁人後家河汾

司馬氏光 字君寔陝州夏縣人

歐陽氏修 字永叔廬陵人

胡氏安國 字康侯 崇安人

尹氏焯 字彥明 一字德充 世為洛人 雍正二年從祀

呂氏祖謙 字伯恭 號東萊 婺州人

蔡氏沉 字仲默 元定次子 建陽人

陸氏九淵 字子靜 金溪人

陳氏淳 字安卿 龍溪人 雍正二年從祀

魏氏了翁 字華父 浦江人 雍正二年從祀

王氏栢 字會之 婺州金華人 雍正二年從祀

許氏衡 字仲平 河內人

信陽州志 卷之四 典禮志

文廟

許氏謙 字抑之 金華人 雍正二年從祀

薛氏瑄 字德溫 河津人

王氏守仁 字伯安 餘姚人

羅氏欽順 字允升 號整庵 泰和人 雍正二年從祀

陸氏隴其 原名龍其 字稼書 平湖人 雍正二年從祀

祭品

帛一 白色 豕三

每案簋一 各黍飯一 籩一 各稻飯一
各稷飯一 各梁飯一

籩四 各棗一 各栗一 各鹿脯一 各形鹽一

豆四 各菁菹一 各鹿醢一 各芹菹一 各兔醢一 銅爵各一

西廡先賢

林子放 魯人石室圖字子印嘉靖九年改祀於鄉 雍正二年復祀

宓子不齊 字子賤魯人

公冶子萇 字長魯人史記云齊人字子萇

公皙子哀 字季沉史記作季次齊人系出姬姓

高子柴 字子羔檀弓作子臯齊人

樊子須 字子遲魯人

商子澤 字子季魯人許衡云齊人

信陽州志

卷之四

典禮志

十四

文廟

梁子鱣 字子魚史記字叔魚齊人

冉子孺 字子魯家語作子魚魯人

伯子虔 字子析家語字子楷魯人

冉子季 字子產魯人

漆雕子徒父 字子有魯人家語漆雕從字子文蔡 人子開之宗族

漆雕子哆 家語哆作侈字子斂魯人

公西子赤 字子華魯人

任子不齊 字選家語字子選楚人

公良子孺 字子正一作子幼陳人

公肩子字子中家語子仲魯人

鄒子單字子家衛人家語未載後人謂即家語所載縣直今縣直已另入祀矣

罕父子黑字子索一字子素魯人

榮子旂字子棋魯人

左子人郢字行家語作左郢字子行魯人

鄭子國字子徒魯人一作薛邦

原子亢字籍家語作原桃字子籍魯人

廉子潔字子曹史記字庸衛人

叔仲子會字子期魯人

信陽州志

卷之四

典禮志

十五

文廟

公西子輿如字子上魯人

邾子巽字子歛家語字子飲魯人

陳子亢字子禽一字子亢陳人

琴子張字子開家語名牢字子張

步叔子乘字子車齊人

秦子非字子之魯人

顏子噲字子升魯人

顏子何字冉索隱云字稱嘉靖時罷祀雍正二年復祀

縣子直一作豐字子象雍正二年增祀

樂正子克

字正子齊人孟子弟子配享孟廟雍正二年升祀孔廟

萬子章

孟子門人從祀孟廟雍正二年升祀孔廟

周子敦頤

字茂叔道州營道縣人

程子顥

字伯淳河南人

邵子雍

字堯夫河南人

西廡先儒

穀梁氏赤

魯人受春秋之說于子夏

伏氏勝

字子賤濟南人或曰卽宓不齊之後處與伏通誤爲宓云

后氏蒼

字近君東海郟人

信陽州志

卷之四

典禮志

七

文廟

董氏仲舒

廣川人

杜氏子春

字時元河南緱氏人嘉靖九年改祀於鄉雍正二年復祀

范氏寯

字武子鄆陵人嘉靖九年改祀於鄉雍正二年復祀

韓氏愈

字退之鄧州南陽人

范氏仲淹

字希文蘇州吳縣人康熙五十二年從祀

胡氏瑗

字翼之泰州人

楊氏時

字中立南劍將樂人

羅氏從彥

字仲素南劍人

李氏侗

字愿中劍浦人

張氏棧

字敬夫號南軒漢州綿竹人

黃氏榦

字直卿號勉齋閩縣人雍正二年從祀

冀氏德秀

字景元更字希元浦城人

何氏基

字子恭金華人雍正二年從祀

趙氏復

字仁甫德安人雍正二年從祀

金氏履祥

字吉父婺之蘭溪人雍正二年從祀

陳氏澔

字可大都昌人雍正二年從祀

吳氏澄

字幼清撫州崇仁人嘉靖九年罷祀乾隆二年復祀

陳氏獻章

字公甫新會人

信陽州志

卷之四

典禮志

七

文廟

胡氏居仁

字叔心餘干人

蔡氏清

字介夫晉江人雍正二年從祀

祭品與東廡同

以上先賢位次俱本備考祭品俱本通志

儀節

先期承祭官分獻官陪祭官齊赴階下行一跪三叩頭禮學師滌器視牲瘞毛血至期五鼓各官衣朝衣及各執事俱公服序立禮生道承祭官至盥洗所贊盥洗畢引至臺階下立典儀唱樂舞生就位執事官各司其事贊分獻官陪祭官各就位贊承祭官就位各就位立典儀唱迎神唱舉迎神樂奏咸平之章樂作贊行三跪九叩頭禮興樂止典儀唱奠帛行初獻禮唱舉初獻樂奏寧平之章樂

信陽州志

卷之四

典禮志

六

儀節

作贊陞壇導承祭官由東階上進殿左門贊詣

至聖位前承祭官至案前立贊跪贊奠帛捧帛者以帛跪進承祭官接帛拱舉獻畢贊獻爵執爵者以爵跪進承祭官接爵拱舉獻畢贊叩頭興贊詣讀祝位承祭官詣讀祝位立讀祝者至祝案前跪捧祝版立於案左樂止贊跪各官俱跪贊讀祝讀畢捧祝至

正位前案上跪安帛匣內叩頭退樂作贊叩興承祭官及各官行三叩頭禮興贊詣

顏子位前承祭官就案前立贊跪贊奠帛捧帛者跪
進于案左承祭官接帛拱舉獻案上贊獻爵執爵
者跪進于案左承祭官接爵拱舉獻案上贊叩頭
與贊詣

曾子位前如前儀贊詣

子思子位前如前儀贊詣

孟子位前如前儀其十哲兩廡分獻官俱照前儀行
禮畢贊復位承祭官分獻官各復位立樂止典儀
唱行亞獻禮唱舉亞獻樂奏安平之章樂作贊陞

信陽州志

卷之四

典禮志

十九

儀節

壇獻爵于左如初獻儀贊復位承祭官分獻官各
復位立樂止典儀唱行三獻禮唱舉三獻樂奏景
平之章樂作贊陞壇獻爵於右如亞獻儀贊復位
承祭官分獻官各復位立樂止典儀唱飲福受胙
贊詣受福胙位承祭官至殿內立捧酒胙二人捧
至

正位案前供舉至飲福胙位右旁跪接福胙二人在
左旁跪贊跪承祭官跪贊飲福酒承祭官受爵拱
舉授執爵者贊受福胙承祭官受胙拱舉授接胙

大哉孔子先覺先知與天地參萬世之師祥徵麟綬韻
禮贊行三跪九叩頭與典儀唱徹饌唱舉徹饌樂
奏咸平之章樂作徹訖樂止典儀唱送神唱舉送
神樂奏咸平之章樂作贊行三跪九叩頭禮興樂
止典儀唱捧祝帛饌各詣燎位捧祝者捧帛者各
至位前跪叩捧起祝文在前帛次之捧饌者捧起
在後俱送至燎位典儀唱望燎唱舉望燎樂與送
神同樂作贊詣望燎位導承祭官至燎位立祝帛

焚訖樂止贊禮畢退以上通志

信陽州志 卷之四 典禮志 三 文廟

糾儀官一員

禮生二十八名

樂章 春祭夾鍾為宮應鍾起調
秋祭南呂為宮仲呂起調

迎神咸平之章 無舞

大哉孔子先覺先知與天地參萬世之師祥徵麟綬韻
答金絲日月既揭乾坤清夷

初獻寧平之章 有舞

予懷明德玉振金聲生民未有展也大成俎豆千
古春秋上丁清酒既載其香始升

亞獻安平之章 有舞

式禮莫愆升堂載獻響協鼓鏞誠孚壘甌肅肅雍雍響髦斯彥禮陶樂淑相觀而善

終獻景平之章 有舞

自古在昔先民有作皮弁祭菜於論思樂惟天牖民惟聖時若夔倫攸叙至今木鐸

徹饌咸平之章 有舞

先師有言祭則受福四海鬻宮疇敢不肅禮成告徹母疏母瀆樂所自生中原有菽

信陽州志

卷之四

典禮志

三

文廟

送神咸平之章 無舞

鳧繹峩峩洙泗洋洋景行行止流澤無疆聿昭祀事祀事孔明化我烝民育我膠庠

以上乾隆六年部頒

古樂章並錄附于後以備考核

迎神咸和之曲

大哉宣聖道德尊崇維持王化斯民是宗典祀有常精純並隆神其來格於昭聖容

初獻寧和之曲

自生民來誰底其盛惟師神明度越前聖粢帛具

成禮容斯稱黍稷非馨惟神之聽

亞獻安和之曲

大哉聖師實天生德作樂以崇時祀無斃清醑惟馨嘉牲孔碩薦羞神明庶幾昭格

終獻景和之曲

百王宗師生民物軌瞻之洋洋神其寧止酌彼金罍惟清且旨登獻惟三於嘻成禮

徹饌宣化之曲

犧牲在前豆籩在列以享以薦既芬既潔禮成樂

信陽州志

卷之四

典禮志

三

文廟

備人和神悅祭則受福率遵無越

送神祥和之曲

有嚴學宮四方來崇恪恭祀事威儀雍雍歆茲惟馨神馭還復明禋斯畢咸膺百福

樂器

編鐘十六枚 有架

編磬十六枚 有架

琴二張

瑟二張

簫二張

笛二張

排簫二張

笙二張

埙二個

篪二管

大鼓一面 有架

搏拊鼓一面 有架

祝一座

敵一座

麾旛一杆 有架

旌節一杆 有架

龍翟三十六柄

籥三十六管

琴桌二張

瑟桌二張

樂器大櫃二隻

紅桌二張

以上樂器之數悉本舊志

張樂於露臺之上楹鼓在東南隅編鐘在東偏之

信陽州志

卷之四

典禮志

三

文廟

南編磬在西偏之南遂東西各一面北簫埙篪東
西各一面北洞簫東西各一面北瑟東西各一面
北琴東西各一面北祝在東北敵在西北田鼓東
西各一在其北東西面麾旛在祝之北西面節一
東西導引進止文舞籥翟三十六舞列在中道之
東西退則立於樂懸之東西樂懸既正俾樂工各
執其器 以上通志

佾舞

乾隆六年奉 部文飭定佾舞生名數樂用二十

二人又執麾一人持節一人歌章四人再外備事
故更替四人共需三十二人舞生三十六人外加
四人共七十二名八年禮部議頒佾舞生服式丁
祭用藍衫雀頂常服帽頂俱用銀盤起花銀頂與
生員一體

崇聖祠

木金父 孔子五世祖封肇聖王

祁父公 孔子高祖封裕聖王

防叔公 孔子曾祖封詒聖王

信陽州志

卷之四

典禮志

三

文廟

伯夏公 孔子之祖封昌聖王

叔梁公 名紇孔子之父封啟聖王俱雍正元年封

祭品 五案

帛五 白色 羊一 豕一 釧一 和羹 簋二 黍飯

籩一 稻飯 籩八 榛一 菱一 芡一 棗一

豆八 蕪菹一 菁菹一 笋菹一 醢醢一 芹菹一
鹿醢一 兔醢一 魚醢一

配位先賢

顏氏無繇 字路復聖回之父

曾氏點 字子皙宗聖參之父

孔氏鯉 字伯魚孔子之子子思之父

孟孫氏激 字公宜亞聖軻之父

祭品 每位一案

帛二 白色 豕首一 簋一 黍飯 簋一 稻飯

籩四 栗一 鹿脯一 棗一 形鹽一 豆四 菁菹一 芹菹一 鹿醢一 兔醢一

豕肉一 每位銅爵三

東廡

周氏輔成 字伯大周子敦頤父

程氏珦 字伯溫二程子顥頤之父

信陽州志

卷之四 典禮志

三十五

文廟

蔡氏元定 字季通蔡氏沉之父

西廡

張氏迪 字吉甫張子載之父雍正二年升祀

朱氏松 字喬年朱子熹之父

祭品

帛二 白色 簋一 黍飯 簋一 稻飯

籩四 栗一 形鹽一 鹿脯一 棗一 豆四 菁菹一 鹿醢一 芹菹一 兔醢一

豕肉一 每位銅爵三

上丁前一日學師承祭儀節同正殿惟不用樂名

宦鄉賢二詞同時分祭儀同兩廡

武廟

每歲春秋仲月及五月十三日致祭

祭品

帛一 白色 牛一 豕一 羊一

籩十 豆十

儀節

祭日禮生引承祭官進左旁門至盥洗所贊盥洗畢引至殿內行禮處立典儀唱執事者各司其事

信陽州志

卷之四

典禮志

三

武廟

贊就位引承祭官就位立典儀唱迎神司香捧香盒就香爐左邊立引承祭官就香爐前立司香跪贊上香承祭官立將炷香接舉插爐內贊復位贊行三跪九叩頭禮典儀唱奠帛爵行初獻禮捧帛爵獻畢叩頭與讀祝者詣安祝文桌前跪捧起祝文贊跪承祭官跪贊讀祝讀畢跪安盛帛盒內畢贊叩頭與立典儀唱行亞獻禮執爵者如初獻禮獻畢退典儀唱行三獻禮執爵者如亞獻禮獻畢退典儀唱徹饌唱送神贊行三跪九叩頭禮立典

儀唱捧祝帛饌各詣燎位捧祝帛香饌者依序捧送贊詣望燎位承祭官至燎爐前焚訖揖贊禮畢退

祭後殿

光昭公正中南向

裕昌公東一室南向

成忠公西一室南向

春秋二祭祭品

帛各一 白色

豕各一

羊各一

信陽州志

卷之四

典禮志

三

武廟

籩豆各八

行二跪六叩頭禮承祭官詣

各案前奉香餘同前殿

社稷壇

每歲春秋仲月上戊日出主於壇而祭之

祭品

帛二 俱黑

豕一

羊一

鉶一

籩四

豆四

簋二

簋二

爵三

儀節同先農壇

風雲雷雨山川城隍壇

每歲春秋仲月合祭

風雲雷雨居中 帛四

山川居左 帛二

城隍居右 帛一俱白色

祭品儀節與社稷同

八蜡祠揚威侯廟

每歲春秋祭期同各壇廟臘月擇日致祭

祭品儀節與社稷同

信陽州志

卷之四

典禮志

天

武廟

厲壇

每歲清明日七月望十月朔請

城隍之神出主其祭榜無祀鬼神分祭之

祭品

羊三 豕三 飯米三斗

軍牙六纛

每歲霜降日祭

祭品

帛一 羊一 豕一

文昌祠

春秋祭期同上丁日

祭品

帛一 羊一 豕一

忠義祠節孝祠

春秋祭期同各壇廟

祭品

帛一 羊一 豕一

救護

信陽州志

卷之四 典禮志

五

救護

日食預行所屬官司前期設香案于露臺金鼓列儀門樂人列臺下設拜位于露臺上俱向日至期陰陽生報日初虧各官衣素服行三跪九叩頭禮班首官上香畢正官擊鼓三聲衆鼓齊鳴及報圓鼓聲止各官衣朝衣行三跪九叩頭禮畢月食儀同

祈禱

祈雨在社稷先農風雲雷雨山川城隍各壇及龍王廟設主各官衣素服執香步行至壇廟禮生引

至拜位贊行一跪三叩頭禮宜疏文畢再行一跪
三叩頭禮焚疏文再揖禮畢

以上
通志

祭文

雩祭社稷先農山川祭文

恭膺

詔命撫育群黎仰體

彤庭保赤之誠勤農勸稼俯惟節屋資生之本力
稽服田令甲爰頒肅舉祈年之典惟寅將事用申
守土之忱黍稷惟馨尚冀明昭之受賜來牟率育

信陽州志

卷之四

典禮志

三

祈禱

庶俾豐裕於蓋藏尚饗

祭祭城門祭文

詔命臨民職司守土惟兆人之攸賴並藉神功冀四序
之常調群蒙福蔭必使雨暘應候爰占物阜而民
安庶其寒燠咸宜共慶時和而歲稔仰靈樞之默
運聿集嘉祥襄元化以流形俾無菑害尚饗

風雲雷雨山川城隍祭文

惟神贊襄天澤福祐蒼黎佐靈化以流形生成永
賴乘氣機而鼓盪溫肅攸宜磅礴高深長保安貞

之吉憑依鞏固實資捍禦之功幸民俗之殷盈仰
神明之庇護恭修歲祀正值良辰敬潔豆籩祇陳
牲幣尙饗

社稷壇祭文

惟神奠安九土粒食萬邦分五色以表封圻育三
農而蕃稼穡忝承守土肅展明禋時屆仲春敬修
祀典庶九九松栢鞏磐石於無疆翼翼黍苗佐神
倉於不匱尙饗

先農壇祭文

信陽州志

卷之四

典禮志

三

祈禱

惟神肇興稼穡粒我烝民頌思文之德克配彼天
念率育之功陳常時夏茲當東作咸服先疇洪惟
九五之尊歲舉三推之典恭膺守土敢忘勞民
謹奉彝章聿修祀事惟願五風十雨嘉祥恒沐於
神庥庶幾九穗雙岐上瑞頻書於大有尙饗

龍神祭文

惟神德洋寰海澤潤蒼生允襄水土之平經流順
軌廣濟泉源之用膏雨及時績奏安瀾占大川之
利涉功資育物欣庶類之蕃昌仰藉神庥宜隆報

享謹遵祀典式協良辰敬布几筵肅陳牲醴尚饗
孔子先代五王祭文

惟王奕葉鍾祥光開聖緒聖德之後積久彌昌凡
聲教所覃敷率循源而溯本宜肅明禋之典用申
守土之忱茲屆仲春聿修祀事尚饗秋

關帝先代三公祭文

惟公世澤貽庥靈源積慶德能昌後篤生神武之
英善則歸親宜享尊崇之報列上公之封爵

錫命復隆合三世以肇禋典章明備恭逢諏吉祇

信陽州志

卷之四

典禮志

三

祭文

事薦馨尚饗

文廟祭文

惟先師德隆于聖道冠百王揭日月以常行自生
民所未有屬文教昌明之會正禮和樂節之時辟
雍鐘鼓咸恪薦於馨香泮水膠庠益致嚴於籩豆
茲當仲春祇率彝章肅展敬忱聿將祀典尚饗秋

武廟祭文

維帝浩氣凌霄丹心貫日扶正統而彰信義威震
九州完大節以篤忠貞名高三國神明如在徧

宇於寰區靈應丕昭薦馨香於歷代屢徵異蹟顯
佑群生恭值嘉辰遵行祀典筵陳籩豆几奠牲醪
尙饗

忠義孝弟祠祭文

惟靈稟賦貞純躬行篤實忠誠奮發貫金石而不
渝義問宣昭表鄉閭而共式祇事懋彝倫之大性
擊蒿菽克恭念天顯之親情殷棣萼模楷咸推夫
懿德 綸恩特闡其幽光祠宇維隆歲時式祀用
陳奠簋來格几筵尙饗

信陽州志

卷之四

典禮志

三三

祭文

節孝祠祭文

惟靈純心皎潔令德柔嘉矢志完貞全閨中之亮
節竭誠致敬彰閩內之芳型茹冰蘖而彌堅清操
自勵奉盤匱而匪懈篤孝傳徽 絲綸特沛乎殊
恩祠宇昭垂於令典祇循歲祀式薦奠醪尙饗

部頒

以上

鄉飲酒

每歲正月十五月初一日於儒學行禮前一日
執事者於儒學之講堂陳設坐次司正率執事者

習禮至日黎明執事者宰牲具饌主席及僚屬司
正先詣學遣人速賓僕以下比至執事者先報曰
賓至主席者率僚屬出迎于庠門之外以入主居
東賓居西三揖三讓而後升堂東西相向立贊兩
拜賓坐執事又報曰僕至主席又率僚屬出迎揖
讓升堂拜坐如前儀賓介俱至既就位執事者唱
司正揚解執事引司正日百階至堂中北向立執
事者唱賓僕以下皆立唱揖司正賓僕以下皆揖
執事者以觶酌酒授司正司正舉酒曰恭惟

信陽州志

卷之四

典禮志

三

祭文

朝廷率由舊章敦崇禮教舉行鄉飲非爲飲食凡我長
幼各相勸勉爲臣盡忠爲子盡孝長幼有序兄友
弟恭內睦宗族外和鄉里無或廢墜以忝所生語
畢執事者唱司正飲酒飲畢以觶授執事者唱揖
司正揖賓僕以下皆揖司正復位賓僕以下皆復
位唱讀律令執事者舉律令案于堂之中引讀律
令者詣案前北向立唱賓僕以下皆立行揖禮如
前讀畢復位執事者唱供饌案執事舉饌案至賓
前次僕次今次主三賓以下各以次奉訖執事者

唱獻賓主起席北面立執事斟酒以授主主受爵
詣賓前置于席稍退贊兩拜賓答拜訖執事又斟
酒以受主王受爵詣僕前置于席交拜如前儀畢
主退復位執事者唱賓酬酒賓起僕從之執事者
斟酒授賓賓受爵詣主前置于席稍退贊兩拜賓
僕主交拜訖各就位坐執事者分左右立介三賓
衆賓以下以次斟酒于席訖執事者唱飲酒或三
行或五行供湯又唱斟酒飲酒供湯三品畢執事
者唱徹饌候徹饌案訖唱賓僕以下皆行禮僕主

信陽州志

卷之四

典禮志

三

鄉飲

僚屬居東賓介三賓衆賓居西贊兩拜訖唱送賓
以次下堂分東西行仍三揖出庠門而退

凡鄉飲酒禮序長幼崇賢良別奸頑其坐席闕高
年德劭者居上高年淳篤者次之以次序齒而列
其有違條犯法者不許干於良善之席違者罪以
違制敢有誼譁失禮者揚解者以禮責之 主知
州爲之位東南 大賓以致仕官爲之位于西北
僕擇于里年高有德之人位于東北 介以次長
位于西南 三賓以賓之次者爲之位于賓主介

僎之後除賓僎外衆賓序齒列坐其僚屬則序爵
司正以教官爲之主揚觶以罰 贊禮者以老成
生員爲之

歌章

初歌鹿鳴之首章

次歌南山之首章

三歌湛露之首章

終歌天保之首章

賓興

凡科舉應試先期知州擇吉具啓徧邀應試諸生
懸簷額結綵樓架登瀛橋于中庭具餞送席于大

信陽州志

卷之四

典禮志

三

鄉飲

堂至日諸生分班行禮就坐酬酢飲饌餽送卷資
鼓樂導迎過橋送至大門外各以鼓樂導歸

入學

凡歲科新進發紅案後知州擇日設酒席于大堂
至期新進各衣公服分班參見行四拜禮就坐飲
饌散給花紅鼓樂導送至

文廟墀下行三跪九叩頭禮退詣明倫堂知州與學
師交拜新進參見學師行四拜禮送席就座飲三
巡起立新進向上四揖辭退

以上
通志

按虞廷典禮有命歷代相沿垂爲經制自朝廷以達百官萬民皆有等威度數可法可則焉我

朝功成治定因革之制監諸前代迄於今折衷盡善蓋推之四海而皆準行之萬世而無弊矣申雖編小凡膠黌壇廟祭菜報祈以及講射讀法養老燕賓莫不彬彬具在珥筆者宜備載而舊志闕焉茲參考通志旁引舊章務令有典有則州之人士循而行之揖讓周旋亦步亦趨風氣蒸蒸日上安在不可媲美武城而見禮教之遺也耶